

DGA, 83-84 (DGAZ, 72)

[GOGOA]

GOGOA zerbaitetara deragigun zirikatzaile,
 eragile eta bultzari da.
 Hezigabeko zaldi bezalatsuko iruditu zait
 dela.
 Ez da itsua, begi urduriko da
 eta aldakorra da oso ondo hezi artean.
 Artega bizi da gure buruaren barrutian.
 Ipurtarin, mainatsu eta aldartetsu ere
 bada.
 Gazte delarik traila eransten diotenak
 ere badira, trailariak gidatzen du
 orduan eta abere probetxuzko zaio
 gertatzen, baina norberaren pausoaren abiada
 da pausaje bakar orduan.
 Zaldia denez geure ekipaiaren gurdiari
 erants genezaioke. Orduan pisuak
 uzten dion neurrian, berak marka
 dezake pausoa.
 Nire eritziz onena haren gainean
 ibiltzen ikastea genuke. Geure
 buruaren mendean hartu, haren gainean
 garen guztiz jarri eta arre, beti ere
 muturretik uhalak geure eskuetan
 ditugula.
 Gogoak baditu bere doble-antzekoak
 itxuraz inoiz bere antzeko direnak,
 nahikeria batez ere. Gezurrezko zaldi
 antzeko zerbait bizia da hau ere
 eta noizbehinka egiazko zaldiarekin konfundi
 daiteke.